

HIERONYMUS. ET ZEBION. EUSEBIUS.

TORRENS ÆGYPTI, qui & subinde in Scriptura FLUVIUS ÆGYPTI dicitur, *torrens est*, inquit Hieronymus in Amos vi. *de eremo veniens*, hoc est, cujus aquæ de deserto *Sar* colliguntur, & alveo non perpetuo & perenni in mare Mediterraneum supra Ægyptum decurrunt. Fuit autem hic *Torrens extremus limes Judææ versus Ægyptum*, cujus termini in Scriptura sæpius à *torrente*, *rivo*, *fluvio Ægypti* describuntur. Vide quæ de hoc *torrente* plura diximus Gen. xv. v. 18.

TORRENS ARNON. Vide ARNON.

TORRENS BESOR. Vide BESOR.

TORRENS BOTRI. Vide NEHELESCOL.

TORRENS CADUMIM. Vide CADOMI.

TORRENS CARITH. Vide CHORATH.

TORRENS CEDRON. Vide CEDRON.

TORRENS CISON. Vide CISON.

TORRENS GAAS, à monte *Gaas*, è quo ejus aquæ fluunt, appellatus. Vide GAAS.

TORRENS GERARÆ, cujus fit mentio Gen. xxvi. v. 17. juxta quem habitavit Isaac, olimque habitarat Abraham effossis juxta torrentis alveum puteis, sic dictus à Gerara urbe vicinâ, quæ in extremis ad Austrum Judææ erat finibus.

TORRENS JABOC. Vide JABOC.

TORRENS MAMBRE, in Mesopotamiâ, Judith ii. v. 14. sed in Græco est, TORRENS ABRONA.

Φάραγξ Σαρέ, μέρος τι τῆς ἐρήμου.

VALLIS ZARE, pars quædam eremi.

TORRENS ZARED. Vide infra ZARED.

TRACHONITIS, regio, sive *Ituræa*, cujus Tetrarches fuit Philippus, juxta Evangelium Lucæ; Diximus de hac & supra. ² Est autem trans Bosram Arabiæ civitatem in deserto, contra Australem plagam quasi ad Damascus respiciens.

Τραχωνίτις χώρα, ἡ καὶ Ἰτρεαία, ἐνθα ἐτετράρχει Φίλιππος κατὰ τὸν Εὐαγγελιστὴν Λουκᾶν.

TRACHONITIS, Regio seu *Ituræa*, ubi tetrarchiam administrabat Philippus juxta Lucam Evangelistam.

TRES TABERNÆ, Oppidum fuit (siquidem & D. Gregorii tempore Episcopum habuit, Gregor. Lib. ii. Registri Epistola 35.) non procul Româ in via Appia ultra Ariciam, quantum colligere licet ex Antonini Imperatoris supputatione, triginta tribus milliaribus Italicis Roma distans. Huc usque aut ulterius ad *Appii forum* (quod ex ejusdem Antonini supputatione quinquaginta & uno milliaribus urbe aberat) obviam *Paulo vincto Christiani*, qui Romæ erant, processerunt, Act. xxviii. v. 15.

TRIPOLIS, cujus fit mentio 2 Machab. xiv. v. 1. Phœnicie urbs est ad mare, & juxta Antilibanum Ptolemæo, Straboni, Stephano.

TROAS, Phrygiæ minoris civitas ad littus maris Ægæi, atque ita in Scripturâ nomen illud usurpatur: quamquam apud profanos auctores & Geographos ferè pro totâ ipsâ regione vox hæc usurpetur.

TROGLODYTÆ, Troglodytarum regio in Africa est Ptolemæo & Plinio. Eam autem ita describit Ptolemæus Lib. iv. Geographiæ Cap. 8. *Totum inquit, littus, quod juxta Arabicum & Avalitem sinum usque montem Elephantem, regio Troglodytica universim appellatur.* Pertingit autem mons Elephas ad littus maris, idemque proximè ad Æquinoctialem circulum. Dicuntur autem, teste etiam Strabone Lib. i. TROGLODYTÆ, *quod in cavernis, propter solis æstus habitent, ἀπὸ τῆς ἰσθμῆος ὑποδεκνέσθαι.*

TUBIANÆI, 2 Machab. xii. v. 17. non alii videntur esse quàm qui in *Locis Tubin* habitabant, de quibus dicendum proximè.

TUBIN, loca trans Jordanem fuerunt in regione Galaaditide 1 Machab. v. v. 13. Porro hæc LOCA TUBIN non videntur esse alia à terra *Job*, in qua habitavit Jephthe, de qua & supra actum est, quod etiam Serarius noster censuit.

TURRES, numero plurimas legimus apud Josephum fuisse Hierosolymis, sed quæ nomen habeant in Scriptura paucae sunt; TURRIS EMATH, TURRIS FURNORUM; TURRIS GREGIS, & TURRIS HANANEEL.

TURRIS EMATH, 2 Esdræ xii. v. 39. Hebraice TURRIS MEA, quod significat *Turris centum*, unde & 2 Esdræ iii. v. 1. ubi in Hebræo eadem est vox, versio nostra habet *Turris centum cubitorum*, ubi Hieronymus explicare voluit, quænam essent illa *centum*. Fuit autem Turris hæc ad Orientem juxta portam gregis, ut è locis citatis 2 Esdræ iii. v. 1. & Cap. xii. v. 39. colligitur. Eadem videtur intelligi apud

NOTÆ.

1. De Trachonitide videnda sunt quæ nos supra diximus in voce *Ituræa*. BONFRERIUS.

2. Est autem trans Bosram Arabiæ &c.] Non satis commode indicat Hieronymus situm Trachonitidis, quæ fuit, ut docet Josephus

Antiq. Lib. i. c. 7. μέση τῆς Παλαιστίνης καὶ κοίτης Συρίας. Media inter Palestinam & Syriam Cavam. Qui situs non patitur dici eam fuisse contra Australem plagam, quasi ad Damascus respiciens; fuit enim contra Borealem plagam, si comparatur cum Bosra. CLERICUS.